

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 38. sjednici održanoj 05.03.2025. godine, donijela je

**Autentično tumačenje člana 65. stav (3) a u vezi sa članom 65. stav (1) tačka e) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24)**

*„Član 65.*

*(1) Radniku po osnovu otežanih uslova rada pripada pravo na poseban dodatak uz platu u visini do 25% njegove osnovne plate u sljedećim slučajevima:*

*e) nastavniku u redovnim školama po osnovu rada sa učenicima s teškoćama s kojima nastavnik radi na osnovu individualiziranog prilagođenog programa (IPP), pripada pravo na poseban dodatak na platu u iznosu od 2% njegove osnovne plate za rad sa svakim učenicom s kojim realizira jedan čas sedmično, a najviše 15% njegove osnovne plate,*

*(3) Posebni dodaci iz stava (1) ovog člana se utvrđuju za svaku školsku godinu, a isplaćuju se tokom cijele nastavne godine izuzev posebnih dodataka iz stava (1) tačka k), tačka l) i tačka n) koji se isplaćuju tokom cijele školske godine.“*

Citirane odredbe Kolektivnog ugovora znače da se radniku po osnovu otežanih uslova definisanih u stavu e) isplaćuje poseban dodatak tokom cijele nastavne godine, odnosno od 01.09. do 30.06. pod uslovom da je radnik u toku mjeseca realizirao rad pod otežanim uslovima.

**Odluka o autentičnom tumačenju člana 65. stav (3) a u vezi sa članom 65. stav (1) tačka e) Kolektivnog ugovora je donesena na 38. sjednici Komisije održanoj 05.03.2025. godine jednoglasno konsenzusom.**

### **ČLANOVI KOMISIJE**

**Abid Fejzić**, predstavnik Poslodavca

**Saudin Sivro**, predstavnik Sindikata

**Seada Mulaomerović**, predstavnik Poslodavca

**Envera Šukman**, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -  
KANTONALNI ODBOR KANTONA SARAJEVO**  
n/r predsjednika

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 - u daljem tekstu: Kolektivni ugovor) obratio se Sindikat, kao jedna od ugovornih strana, a vezano za zahtjev Sindikata, kao jedna od ugovornih strana, vezano za zahtjev Javne ustanove Osnovna škola „Džemaludin Čaušević“ Sarajevo, broj: 04-406/25 od 14.02.2024. godine koji se odnosi na tumačenje člana 65. stav (3) a u vezi sa članom 65. stav (1) tačka e) Kolektivnog ugovora u dijelu utvrđivanja prava radnika na poseban dodatak tokom mjeseca januara.

U vezi s navedenim, obavještavamo Vas da je Komisija na 38. sjednici održanoj 05.03.2025. godine, donijela autentično tumačenje člana 65. stav (3) a u vezi sa članom 65. stav (1) tačka e) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**